

30  
14. júní

## RÍKISSTJÓRABRÉF

um að Alþingi skuli koma saman á Þingvöllum.

RÍKISSTJÓRI ÍSLANDS

*gjörir kunnugt:*

Að ég hef ákveðið samkvæmt 32. gr. stjórnarskrárinnar, að Alþingi skuli koma saman á Þingvöllum laugardaginn 17. júní 1944.

*Ritað í Reykjavík, 14. júní 1944.*

Sveinn Björnsson.

(L. S.)

*Björn Þórðarson.*

31  
14. júní

## LÖG

um leigunám veitingasala o. fl. á Hótel Borg í Reykjavík til veizlufagnaðar á lýðveldishátíðinni.

RÍKISSTJÓRI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

1. gr.

Ríkisstjórninni er heimilt að taka leigunámi til veizlufagnaðar að kvöldi 18. júní 1944 í tilefni lýðveldisstofnunar á Íslandi afnot veitingasala allra á Hótel Borg í Reykjavík, neðstu hæð, með húsgögnum öllum, svo og afnot eldhúss og annarra þeirra herbergja á hæðinni, er nota þarf í þessu skyni, ásamt eldhúsáhöldum, borðbúnaði og öðrum nauðsynlegum munum. Um framkvæmd leigunáms þessa skal farið eftir ákvæðum laga nr. 61 14. nóv. 1917.

2. gr.

Lög þessi öðlast þegar gildi.

*Gjört í Reykjavík, 14. júní 1944.*

Sveinn Björnsson.

(L. S.)

*Björn Þórðarson.*